

Transkript saopštenja za medije o odobrenju Proširenog aranžmana u okviru EFF za Bosnu i Hercegovinu

Učesnik: Nadeem Ilahi, Šef misije MMF-a za Bosnu i Hercegovinu

G. Ilahi: Dana 7. septembra 2016. g. Izvršni odbor MMF-a je razmotrio i odobrio zahtjev vlasti Bosne i Hercegovine za finansijsku podršku u okviru trogodišnjeg proširenog aranžmana Fonda (engl. *Extended Fund Facility – EFF*). EFF će pomoći ekonomskim reformama vlasti ispunjavanjem platnobilansnih potreba zemlje u iznosu od oko 554 miliona eura i podržavanjem strukturnih reformi.

Pored Pisma namjere vlasti, Izvršni odbor je takođe razmatrao Izvještaj osoblja koji argumentuje aranžman podrške MMF-a. Oba ova dokumenta, kao i drugi prilozi, su objavljeni danas na web stranici MMF-a.

Uzet ću nekoliko trenutaka da prodiskutujem glavne karakteristike aranžmana MMF-a koji je opisan u ovim dokumentima.

Ekonomija Bosne i Hercegovine je nastavila svoj oporavak u protekle dvije godine, unutar stabilnog makroekonomskog okruženja. Ali od izbijanja globalne finansijske krize, brzina kojom ekonomija hvata korak sa naprednim evropskim zemljama je među najsporijim u Istočnoj Evropi. Nezaposlenost je visoka i uporna, te je posebno izražena među mladim građanima. Bosanskohercegovačka ekonomija pati od strukturnih distorzija i distorzija politika koje sprječavaju zemlju da dostigne svoj puni potencijal.

Postoji hitna potreba za većim rastom predvođenog privatnim sektorom koji kreira šanse za zaposlenje kroz veće investicije. Program je fokusiran na politike koje će dozvoliti vlastima da smanje oporezivanje rada u formalnom sektoru, resstrukturiraju ili privatiziraju nezdrava javna preduzeća i poboljšaju zakonski okvir za stečaj.

Program podržava fiskalne politike koje će smanjiti potrošnju na plate u javnom sektoru i neadekvatno usmjerenu socijalnu pomoć i povećati kapitalne investicije koje povećavaju rast. Takođe, program predviđa umjereno smanjenje javnog duga u srednjem roku.

Održanje finansijske stabilnosti i oživljavanje kreditne aktivnosti banaka su još jedan ključni aspekt programa. Očuvanje aranžmana valutnog odbora je važan stup u tom smislu. Vlasti će raditi na rješavanju slabosti banaka, i poboljšati okvir za rješavanje neprihodujućih kredita. Takođe, vlasti će osavremeniti zakone koji će ojačati superviziju banaka.

Na kraju, program MMF-a podržava jačanje zajedničkog ekonomskog prostora unutar zemlje tako da ekonomija može da dostigne potencijal rasta. Visoko decentralizirana administrativna struktura zemlje zahtijeva koordinaciju i saradnju među vlastima u različitim sferama.

Program predviđa harmonizaciju i saradnju u oblastima oporezivanja, finansijske regulative i supervizije, i fiskalne discipline na nižim nivoima vlasti.

Prošireni aranžman Fonda će biti pod nadzorom učestalog monitoringa i ocjene napretka od strane osoblja MMF-a. Finansijske isplate bi bile zasnovane na odobrenju kvartalnih pregleda od strane Odbora. To bi uključivalo redovnu ocjenu makroekonomskih politika, ali i napretka strukturnih reformi koje su navedene u Pismu namjere. Napredak na implementaciji programa MMF-a i Reformske agende bi trebao pomoći zemlji da dobije pristup finansijskoj i tehničkoj podršci od ostalih međunarodnih partnera, uključujući od Evropske Unije i Svjetske banke.

Napomena TV stanicama: Visokokvalitetni video zapis uvodne riječi se može preuzeti [ovdje](#).